

03-10-2017
UKA 2017/27
Michael Rosing
Attaviitsoq

Uunga siunnersuut: Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx ulloq xx. xxx 2017-imeersoq. (Annikitsunik taarsigassarsititsisarnermik aaqqissuussineq)

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

Una siunnersuut illersorlugulu akerleraara. Isumaqarpunga takutitsisoq inuussutissarsiutinik kukkusumik siuarsaaniarsarinermit. Taamaakkaluartoq ataatsimiititalimut suli innersuukkusuppara.

Atagu nassuialaarlugu sooq.

Aallarnisaasartuaqqat sumiiffeqartariaqarput, ilinniarsimasuusariaqarput, akileraariaaseqassaaq namminersortutut aallartinnissamut pilerinartumik aamma malittarisassat paasiuminartuusariaqarput aallartinnginnermi nalorsarpallaartoqassanngippat.

Takusinnaasarput tassaavoq Kalaallit Nunaanni aningaasarsiornikkut ingerlalluarnerpaaffik aamma aallartitsiffigissallugu pilerinernerpaasoq tassaasoq Nuuk. Nuummili inissarsiniarnissaq ajornakusoortorujussuuvoq. Kalaallit Nunaanni ilinniartitaaneq sorpassuartigut kinguussaaqqavoq. Akileraariaatsitta pilerinartinngilaa akissarsiornissaq, inissisimangaanni siunnersuummik matumanga iluaqutissarsisinnaasutut. Aamma suliniutinut assigiinngitsunut tapiissutinut malittarisassat siunnersuut manna najoqqutaralugu ajornaannerulernaviangillat. Taamaappasippoq siunnersuutip tusarniaassutigineqarneranut atatillugu akissutit assigiinngitsut atuaraanni.

Taamaakkaluartorli siunnersuutip ataatsimiititaliami suliarineqarnissaa innerssuukkakku pissutaavoq siunnersuutp pitsaasortaqrnera uanga nammineq soqutiginarinnissaannik. Siullermik misileraasarnissaq illersorpara. Arlaleriarlunga oqaatigisarnikuuara misileraanissaq piunasaqaatitaqanngitsunik tunngaviummik isertitaqartitsinissamut. Paasinaannarlugu atorsinnaanersoq atorsinnaannginnersorluunniit. Manni misileraanerusussaavoq akikitsuarannguaq aamma atasinnaasunik suliffiliorortoqarsinnaappat imaaliallannerinnakkut imminut akilertussaavoq. Taamaassinnaanngippat taava paasissavarput.

Aappasaanik, nalunngilara imminut akerlilernertut nipeqarsinnaasoq, taava neriuutigiinnassavarput suliniutit sukkasuumik akikitsumillu ajutuupallaannarumaartut. Ilumoortormi tassaavoq sulliviit nutaat aallarterlaat amerlanersaat matoqqittarmata ukiut marlussuit ingerlaneranni. Sulliviit imminut

akilersinnaanngitsut sukkanerpaamik matusinnaappata, taava inuit tunuliaqutaasut ingerlaqqissinnaalissagalarput immaqa iluatsitsinissaminut qaninnerullutik.

Ataatsimiititaliaq qinnuigissavara makku misissorluaqqullugit:

Aningaasanut killigitat: Uanga isumaga naapertorlugu 100.000 koruuninik taarsigassartitsineq annikitsumik taarsigassartitsinertut taaneqarsinnaanngilaq. Nammineq nalilerusuppara annikitsumik taarsigassarsiat annertussuseqarsinnaasut 10.000 koruunit 30.000 koruunillu akornanni, iluarissagalarparali aningaasanut killigitinneqarsinnaasoq misissorluarneqarsinnaasuuppat.

Aaqqissuussinernut allanut sunniivigeqatigiinnerluttoqarsinnaavoq:

Tusarniaanermut atatillugu akissutit naapertorlugit tapiiffiqineqarnissamut periarfissat allat eqqarsaatigalugit sunniivigeqatigiinnerluttoqarsinnaavoq

Naliliineq:

Uannut ersernerluppoq aaqqissuussinerup qanoq nalilersorneqartarnissaa aamma kikkunnit.

Neriullunga ataatsimiititaliap tamakku misissorluarumaarai, inuussutissarsiornermut aatsitassanullu ataatsimiititaliamit siunnersuutip suliarineqarnissaa inassutigissavara.